

# **Camperemu**

Quandu « esistenza » sera a to festa  
Quandu « sapienza » sera piu netta  
Quandu « amore » sera richezza  
Cume un core senza rancichezza.

Tandu voce un tremera  
Tandu voce schiattera.

Camperemu, camperemu  
A l'alba chjara d'un altra vita  
Camperemu, camperemu  
A l'alba chjara d'una altra strinta.

Quandu « allegria » sunera forte  
Quandu « armunia » picchjera a le to porte  
Quandu li fiori cresceranu  
Sempre più fieri incu veranu.

Tandu l'omu nascera  
Tandu l'omu intunera.

Camperemu, camperemu  
Cum'un paese sempre arrittu  
Camperemu, camperemu  
Cum'un paese sempre lindu.

Quandu « oppressione » sera sbanita  
Quandu « nazione » sera gravita  
Quandu « nivaghja » sera campestra  
Quandu « figliolu » sera furesta.

Tandu sole lucera  
Tandu sole spaghjera.

Camperemu, camperemu  
A l'alba chjara d'un altra vita  
Camperemu, camperemu

A l'alba chjara d'una altra strinta.

Camperemu, camperemu

Cum'un paese sempre arrittu

Camperemu, camperemu

Cum'un paese sempre lindu